

**DE CONGESTIONE
SANGUINEA
DISSERTATIO
INAUGURALIS
QUAM AD...**

Luigi Botturi



9/

DE
CONGESTIONE SANGUINEA
DISSERTATIO INAUGURALIS
QUAM
AD MEDICINAE LAUREAM
ASSEQUENDAM
IN COLLEGIUM AC UNIVERSITATEM
ARCHIGYMNASIO PATAVINO
D. A. T.
ALOYSIUS BOTTURI
TRIESTINUS



PATAVII
TYPIS SEMINARIII
HUGGEXNER.



Fugate

1

2

3

4

5

6

7



Instituta inflammationis analysi, et phaenomenis hic perpensis quibus ipse stipatur, manifestum sit inflammationem tanquam simplicem effectum haud posse considerari, utpote quia in totidem fere elementa se decomponi patiatur. Quae-
nam sint elementa istiusmodi, quae cum rudi compositorum corporum materiae quodammodo comparari possunt, breviter inquirendam accipio. Arduum sane argumentum, et de quo disputant adhuc pathologiae scriptores inter se, quodque eo magis peculiari indiget consideratione, quo ad congestionis thesiam explicandam quam maxime confert. De hoc autem argumento bodierna die disserere conatus, Praeceptores celeberrimi, non tam ut muneri satisfaciam quod ab academia legibus mihi impositum fuit, quam ut si in dicendo haerentem me videbitis, summa humanitate vestra subscilietis.

Primum inflammationis elementum est abnormis et materialis illa mutatio, quae a stimulo seu spina Exculleri inducitur in solida parte viva quae

inde inflammatur. Abnormis haec mutatio quam Tommasinus in morbose incremento topice incitationis collocat, a Goldonio *factor* inflammationis *dynamicus* (mathematicorum sermone) appellatur, et a Geroniado cum achola Halleriana irritatio dicitur. Quosque effectus morificae potentiae haec sola mutatio idest irritatio finitur, non adest inflammatio, quae ut locum habeat, necesse est ut alterum accedat elementum, scilicet congestio sanguinea, quae ipsi Goldonio *factor* est inflammationis *hydraulicus*, et melius *factor* *mechanicus* vocaretur. Ex concursu tantum horum factorum bio-dynamici, et bio-mechanici inflammatio oriri potest. Irritatione simul et congestione autem ad certum gradum elevatis, talis in vas capillaribus et in sanguine mutatio inducitur, ut plasticus processus cum in modum perturbetur qualem in inflammatione videmus. Ubi ergo irritatio simul et congestio ad potentiam phlogoscos extollantur, aliud adiungitur elementum ex abnormi plastico processu constitutum, quod *factor* bio-chemicus compelli mereretur; sed cum plasticus iste processus non habeatur, nisi quatenus irritatio et congestio primum precedant, et inflammatio jam inchoata sit, inde patet hunc factorem bio-chemicum profigiri potius ab illorum factorum concursu, et a phlogosi jam inchoata, quam esse verum apud inflammationis factorem.

Si igitur ad hanc producendam opus est ut irritatio et congestio simul concurrent, et inflammatio ipsa in has adfectiones decomponi potest,

ratio evidens est cur irritatio et congestio ex se, sicut omnes aliae pathologicae conditiones existere queant, quod ratione sanctorum, et experientia quoque confirmatur. Quamvis irritatio et congestio omnino separatae vix occurrant, ea tamen ratione sunt ad invicem, ut in prima effectus dynamicus, in alia vero mechanicus, vel hydrolicus eminens sit. Ab hac lege tamen longe est congestio passiva, et quae causa aliqua mechanica oritur, nam absque ulla irritatione existere potest, quamvis plerumque successive eam inicit, et diu persistens phlogosum quoque sanguine congestio inatar spinas Emulteri suscitet.

Et sicuti ad inflammationem pignendam uterque factor dynamicus sive irritatio, et mechanicus sive congestio aequae concurrere debent proportionem, sic quousque haec proportio non habetur, effectus a morbosa potentia inductus, materialis nimirum conditio doloris Gtramini, refertur ad simplicem irritationem et congestionem. At in praxi quam maxime opportunum est, ut haec duo elementa bene distinguantur ab inflammatione, congestio siquidem facilius quam irritatio una phlogosi persaepe confundi potest.

Illa organæ cujusdam conditio quæ majorem sanguinis copiam excipit, quam necessitas postulat, latine congestio dicitur. Auctores vario eam nomine designant. Brufferius *Änenormie*, Tommasinus *angiolaria*, Hildenbrand *exuberantia* appellant. Spectata origine et conditione partis affectae, in praxi duo distinguuntur congestionis spe-

cies. Prima originem ducit ex aucta actione arteriarum universalis vel locali per stimulos positivos, et congestio activa dicitur. Altera ex immixta energia, et laxa vasorum compage, atque spontaneo veluti sanguinis versus partes minus resistentes affluxu nascitur, vel ex refluxu venoso mechanice ratione impedito originem ducit, et congestio passiva recipitur.

Ratio qua congestio passiva gignitur, facile intelligitur. Si vascula sanguifera, et quidam venosae alicujus partis causa praegressae nimiae distensionis et compressionis, aut ex immixta aëris externi pondere, et aliarum causarum actione, vel tandem in eorum compage laxiora fiunt, et sanguinem eadem proportionem qua fluit, et aëriam contractilitatem ultra pelleri nequeant, sanguis ipse non solum majori copia in eadem vasis commorari debet, sed uberiori unda ex legibus hydraulicis ad locum minus resistentem continuo affluere oportet. Quare congestionem et haemorrhagiam quae ex immixta aëris pressione observantur in illis qui ad summam montium altitudinem perveniunt, quae in anum encephalo occurrunt, et vertiginem aut apoplexiam producant; congestionem quoque quae in vasis haemorrhoidalibus aut capitis post aequinoctium verum ventis meridionalibus beccanibus, atque atmosphaera nebulosa, tam fecundam apoplexiam et aliorum morborum causam sistunt, ratione passiva gignuntur.

Ad hoc comprobandum sufficiunt simplices ob-

servationes commemorare. Applicatio cucurbitarum, et tepidae fomentationes congestionem et turgescientiam vascularem creant, in qua nulla cernitur stimuli actio. Illic aeris pressionem super vasa sanguinea imminuunt, has vero panemum compagem infringunt, nec calidici stimulo agunt, quia gradum caloris temperaturae animalis inferiorem addunt, ex quibus parietum vasorum resistetia in fluidum contentum non fit, et ex ea imminutione congestio nascitur. Clarus. Buriacius et Morgagni quoque partes quas laxiores sunt, magis ad congestionem pronas esse dixerunt, et hoc facilius in venis quam in arteriis enasci, speciatim in visceribus, in quibus circulatio lentius peragitur, uti sunt viscera abdominalia. Ex hac circulationis tarditate oriri possit pneumonia, quae in morientibus aegris saepe observatur, cum cordi nec non vasorum vis infringitur, opinatur clar. Moh. Notum est quam saepe homines qui vitam desidiam agunt, et habitu cachectico praediti sunt, aut qui scorbutu laborant, erurum erysipelate cruciuntur; contusiones quoque congestionem et phlogosim producant, utpote quia vasorum vitalem energiam infringunt, atque hinc usus adstringentium et stimulatorum parti contusae adplicitorum utriusque affectionis formationem impedit. Observationes huiusmodi a Pistello referuntur, quatenus argumentum praebent, quo deficiens vascularis actio demonstratur in illis locis ubi congestio, et dein phlogosis oritur.

Idem est dicendum de inflammationibus a frigore et calore productis, nam Hastings experimenta nos docent, sub intenas actione harum causarum inter se oppositarum sanguinis cursum retardari, capillarum lumen augeri, partes rubescere, et tandem inflammari. Et re quidem vera nonnihi a defectu energiae vascularis repeti possunt permutae internae congestiones, quae causis violenter agentibus prompte succedant, et subito amoveantur usu immediato convenientium pharmacorum. Huc quoque referri debent sanguinis congestiones quae repentino modo ex temperatura atmosphaerae hominibus plethoricis contingunt, lienis tumefactio ex concussione, tumor venarum cerebri, et apoplexia quae facile in eis reproductur, qui semel apoplectici fuerunt. Hic impulsio sanguini communicata minor est quam illa quae in alia parte locum habet, saltem quoad proportionem, et ibi quoque laminatur undae supervenienti resistentia.

In hac conditionibus essentia includitur congestio quae passiva appellata est, a Brufferio haemorrhoea, a Tommasino angioedema, et a qua jam antea cognita inflammationum principium repetebant viri celeberrimi Vacca, Willson Philip, Thompson, Hastings, Patelli, multique alii pathologi. Burnsius quoque idem praefatis clarissimam hujus congestiois nobis praebuit. Tandem et illud accedit quod constat omnium clinicorum observatione comprobatur, omnes videlicet phlogosae internae ex aliqua generalis totius

organismi impulsione exortas partes efficere plerumque laxiores, vel in quibus debita energia vitalis deest. Organa pariter quae semel phlogisticum processum sunt experta, quam maximam dispositionem evolutioni novae inflammationis conservant; et nobis licet credere internas phlogosas, illa exceptis quae originem trahunt ex potentiarum irritantium immediata contactu parvasse repeti posse ex passiva congestione. Observationes clar. Mascagni nobis ostenderunt in partibus inflammatione correptis vasa lumen ter quater amplius praeseferre, et rationale videtur nunquam ipsa naturalem magnitudinem esse recuperaturae, et gradum pristinae contractilitatis adeptura. Et revera plura sunt stadia inflammationis, in quibus ex remediis utiliter adplicatis patet in phlogistico tumore defectum adesse vitalis reactionis, sicuti fidem faciant summa utilitas collyriorum adstringentium in nonnullis ophthalmiae stadiis, et usus remediorum tonicorum et adstringentium idoneus ad debellandos permultos fluxus entericos, et leucomorbeicos jam primum pharmacia lenientibus tractatos.

Gignitur quoque congestio passiva in variis partibus alicujus sine morbose conditione progressa ex aliquo obstaculo truncis haerente. Hoc mechanicum impedimentum ex qualibet externa compressione, vel ab aliquo tumore, vel ab ipsa trunci occlusionis per grunum sanguineum constatui potest; vel ex atresia, aut canali a progressu phlogosi coarctatione. Omnis haec in circumstan-

tilis cum arteriae sanguinem vehant continuas, et venae illis impedimentum positaè se se exonerare nequeant, sanguis necessario in illam cumulari, eas expandere, et in tumorem extollere debet. Passiva congestio saltem ab initio cum inflammatione confundi nequit, quidem præter tumorem nullum aliud processus phlogistici phaenomenum præseferat, et si inflammationis signa inde procedunt, id tunc tantum contingit cum sanguis congestus et stagnans, vasa, textum cellularem, et nervos distrabens instar potentissimæ irritantis agit, et veram phlogosin excruciat.

Cum in congestione passiva venae potius quam arteriae sint affectae, et in omnibus organismi partibus id occurrere possit quae venis sunt instructae, attamen facilius locum habet in organis quae laxa compage et multis nervis gaudent. Quare videtur congestiones passivas frequentiores esse in liene, in toto systemate venae portarum, in cranii cavitate, et in textu cellulari actuosi interiorum.

Congestio passiva ab initio ex solo momento mechanico suus exercit effectus. Sanguis cumulat us et congestus vasa continentia primum urget ac distendit, deinde alias partes quae cum his venis relationem habent, comprimit, et eorum motus et functiones impedit. Sub hoc aspectu summa periculosa est congestio passiva cerebri ac medullae spinalis. Tumores colli venae jugulares comprimentes, et sanguinis ab encephalo reditum impedentes, vertiginibus, apoplexiis, et paralyxi

non semel anam praebent. Tremores, et paraly-
ses senum quandoque pendunt ex passiva conge-
stione, quam partiales esse incrustationes mem-
brarum, medullas spinales produciunt per com-
pressionem in subjectas partes exercitatem.

Aliquando cumulatæ et stagnatio sanguinis pas-
siva in venis eo pervenit, ut vasa illa ulteriorem
distensionem pati nequeant, atque eorum compa-
gine soluta sanguinem emittant. Sanguis autem
ratione loci ubi congestio locum habuit, vel in
cavum effunditur, vel in textu organorum, et in-
terna hæmorrhagia plerumque lethales gignit,
praesertim si in cavo crani, et textu cerebri
hiant, vel extra prodit, ut plurimum cum omnium
symptomatum immixtione. Sanguis quoque ma-
jori copia in vasa congestus nervos non raro
comprimat, qui fore paralytici evadunt, et eorum
functionibus amplius satisfacere nequeunt. Silen-
tio etiam praeterea collectum sanguinem quando-
que decomponi, et solidas partes proximas læde-
re. Hinc ex una aut altera harum causarum, aut
ex utraque simul conjunctis apoplexus gravibus
congestionibus facillime succedit. Sed non sem-
per congestionis passivæ effectus ratione mecha-
nica eveniunt. Frequenter sanguis congestus, uti
apex Emulleri agens, factorum dynamicum, ir-
ritationem nempe sibi adjungit, et veram phlo-
gosam incendit, qui effectus communis quoque
est congestioni activæ. Sic in senibus ob pas-
sivam in cerebro congestionem apoplexia corre-
ptæ, phlogisticae reactionis phaenomena, et eun-

cta encephalidis symptomata in medium prodeunt.

Sunt igitur magni momenti argumenta hactenus exposita, ex quibus patet, ad congestionem passivam elignendam vel partis alicujus atoniam requiri, qua sit, ut venae sanguini in copia ab arteriis adhaucto resistere, et illum ultra pellere impotens sint, et ab illo se se distendi et amplari patientur ex defectu energiae vascularis partis quae edicitur, vel mechanicum impedimentum, propter quod rami venosi in truncos se se exonerare nequeunt. Nullum de hac re dubium esse potest, postquam videmus similes oriri congestiones ex immediata causarum actione in partes exteriores, neque signa desunt, quibus evincimur aliquoties eandem oriri conditionem in partibus interioris; et tandem experimenta demonstrant non solum relaxantia blanda esse ad sanguinis fluxum praeducendum, sed in actione stimulorum et tonicorum ad eam debellandum solummodo esse fidendum.

Sed ad alteram hujus congestionis speciem transito, ad activam scilicet; atque mihi occurrit in primis observandum, quod vera sit Hippocratis sententia, *ubi stimulus, ibi fluxus*. Videmus revera oculum rubescere, cum quodlibet corpus ejus tunicam albugineam irriter. In congestionibus activis loca atoniae validior est reactio ab aliqua potentia exteriori, vel interiori suscitata in parte adfecta. Quapropter congestionem hanc quaedam semper irritatio praecedat et comitatur. At sicuti congestio, sive effectus hydraulicus, qui secundo

citur effectu dynamico, sive irritatione, ita superior deinde credit, ut inter bonos hosce inflammationis factores ea deat proportio, quae necessaria est ad phlogosum gignendam; sic conditio pathologica emergens inter limites congestionis remanet.

Ex hoc patet congestionem activam parum distare ab inflammatione. Etiam ut in vasa phlogosum convertatur, nil aliud requiritur, nisi ut factoris dynamici, irritationis scilicet proportio aliquantisper augeatur. Ex hoc pariter intelligitur, cur in hac congestionis specie phaenomena occurrant cum phlogosi facile confundenda, sicuti calor auctus, rubor, vasorum superficialium dilatatio, sensio, tumor, sensus pulsationis, secretio aducta, et febris, quae phaenomena inflammationi quoque sunt communia. Inde sequitur, verum discrimen, quod inter congestionem activam et inflammationem adest, ex sola phaenomenis erui non posse, sed in eorundem essentialibus proprietatibus, effectibus et exitu quaerendum esse.

Pathologorum nonnulli congestionis activae genesis hac ratione facile concipiunt. Quotiescumque, dicunt illi, major copia sanguinis ad partem aliquam, vel a stimulo in eam agente accersitur, vel a corde et arteriis plus justo impetus propellitur, quam quae per venas reduci potest, sanguis in capillaribus venis congeritur et cumuletur.

Juxta hanc opinionem congestionis activae aeque ac passivae sedes essent venae. Ex parte

arteriarum haec congestio activa dici potest, sed relate ad venas passiva esset. Pathologi alii inter quos Hebernaeit et Tommasinus plurimis argumentis huic sententiae adversari sunt, et demonstrant congestionis activae ideam concipi non posse, nisi in vasculis capillaribus facultas inhaerens qua se se ab actione stimuli activo et vitali modo expandi, et sanguinem ad influendum invitare queant.

Si itaque consideramus ad gignendam phlogosim aequae ac activae congestionem stimulus localem requiri, quo arteriolae et vascula capillaria ad calidiorem reactionem compellantur tam in congestione activa quam in inflammatione, cuncta phaenomena quae observationi patet, excessum activitatis in parte adfecta denotare, et congestionem acutam sistere qua ad inflammationem pervenitur, non solum quamlibet passivae congestionis ideam excludere necesse est, sed admitti quoque congestionis activae ideam esse substratum et genus eandem quae inflammationis. Ex his sequens congestionis activae genesis ac sedis idem consequitur. A stimulo aliquo positivo quantitate aucto, vel ex propria natura organismo infecto vascula capillaria ad validiores reactiones excitantur, vel irritantur; hinc ex sibi specifica organica constitutione se se activo modo expandant, et sanguinem invitent ad influendum; sedes hujus pathologicae conditionis capillaria arteriosa aequae ac venosa considerari debent.

Congestionis activae hac ratione genitae plures

occurrunt species etiam in statu vitæ physiologico; vericundus genarum ruber, turgor uteri tempore menstruationis et graviditatis, mammae turgescunt post partum. Ut tamen physiologicae hæc conditiones a pathologica distinguantur, nomine indicantur turgoris vitalis. Si inflammatio non adparet, nisi congestio præcesserit, patet causas inflammationis, congestionis etiam evolutionis latere; sed cum hæc multiplices sint, et satis cognitæ, inutile arbitror in his immorari.

Essentialis inter simplices congestiones et veram phlogosin differentia ex eandem proprietatibus deduci potest. Congestio inque sicuti omni momento quo agere cessat irritans cedit, cessare potest; sic nullus cursus necessario requiritur. A simplici congestione crasis phlogistica sanguini non imprimitur, neque plasticus processus ita alteratur, ut in inflammatione, unde eremit, congestionem alterationes organicas dynamico modo producere non possent, nisi in inflammationem transeat.

Congestio activa vel in sanitatem finem habet, vel momento suo mechanico vasorum parietibus superatis et disruptis, aut ostiis exhalantium vasculorum ampliatis hæmorrhagiam parit, vel ad sociata sibi irritatione, in inflammationem convertitur. Congestionis activæ quousque talis remanet, atque ac passivæ effectus ratione præcipua mechanica nascuntur; nam vascula sanguine turgescunt alia partes quibus organa componuntur, vel organa præcisa comprimuntur, atque in

ais modibus impediunt, vel superata vasorum parietibus sanguis extra proprios canales effunditur, unde externis vel internis hæmorrhagiis locus præbetur. Ex hoc patet congestionis activæ effectus continuo variare debere pro diversa quam obtinet sede.

Summi discriminis sunt, et a medico plurimum attendendæ congestiones activæ quæ in cruro cranii, nec non in specu vertebrali occurrunt. Neque parvi momenti quoddam effectus sunt congestiones activæ pulmonum, vesæ portarum, lienis, hepatis, stomachi et intestinorum. Omnis ferè apoplexia, et paralysis quoque quæ absque ullo prægressu phlogosæ aut aliæ affectionis symptomate pectus ingruant, non nisi ab activa congestione repeti possunt in vasis cerebralibus efformata, aut in medulla spinali, quam vel vehementiore animi pathemate, vel insolentia, aut nimis liquorum spirituosorum potus determinant, quod præter methodum curativam, quæ proficua quandoque in hisce morbis cernitur, apoplecticorum cadaverum sectiones evincant. Phænomena quoque ebrietatis tam a vino et alcoole quam ab opio inducta ab aliâ pathologica conditione pendere non videntur, nisi ab activæ congestionis quam illæ substantiæ per nervos ad cerebrum electivo modo determinant.

Pro diverso gradu et situ in quæ congestio cerebæalis oritur, non apoplexiam, sed vertigines, aut epilepsiam generat. Neque notogenia mentis, epilepsias, acolythes, amauroses, quæ sup-

pressionem consequuntur epistaxes, haemorrhoidum, aut catameniorum nobis imotescerent, nisi activam in cerebro congestionem mente conciperemus ex organico nerva qui inter varias corporis partes intercedit. Activa congestio in pulmonibus occurrens varia respirationis vitia producit. Plures dyspnoeae et asthmatis ad intervalle recurrentis species a sola pulmonum congestione saepe praediscuntur.

Congestiones venae portarum hypochondriasim aliquando gignant, ut nobis patet ex observationibus illustrium medicorum. Febrim gastricarum et gastrico-biliarum pathologica conditio non raro in activa congestione stomachi et hepatis sedet, cujus causa secretiones illarum organorum ita a naturali statu deflectunt, ut sordes gastrico-intestinales producant, quae inter corporis irritantis febrim irritativam incendunt. Diarhoea quoque et dysenteria a congestione intestinalium aliquando nascuntur et susciuntur.

Characteres itaque congestionis probe investigato, ejusque effectu sagaciter ponderato, patet quanti momenti sit, ut medicus perbene hancce pathologicam conditionem ab inflammatione distinguat, ut per convenientia pharmaca, rationalem medelam insinuat, et mala futura, quae ex haecce morboeso statu enasci possunt, prudenter praecaveat.



T H E S E S

I.

Crusta inflammatoria in sanguine uti signum inflammationis presentiam denotare habenda est.

II.

In irritatione aliquando phlebotomia inflammationis evolutioni favet.

III.

Corpora animalium mortua nequaquam per gradus solummodo ab animalibus viventibus differunt.

IV.

Vires medicamentorum a sola eorum analysi chemica statui sequuntur.